

TUMPUAN: amui lemas di Sungai Triang

[VIDEO] Tragedi pelajar UPSI: 18 individu dirakam keterangan

NASIONAL

PLKN 3.0: Pelaksanaan lebih sistematik, mendapat sambutan positif – Pengerusi MLKN

🕒 10 Jun 2025, 10:19pm

21
Shares

Share

Tweet

Share

Email



Oleh: Nini Shahira Anuar

KUALA LUMPUR: Program Latihan Khidmat Negara (PLKN) 3.0 menerapkan format yang direka bentuk semula untuk melahirkan belia yang holistik, patriotik dan berdaya saing global.

Menurut Pengerusi Majlis Latihan Khidmat Negara (MLKN), Tan Sri Abdul Aziz Zainal, siri 3.0 menerusi format baharu ini, terus mendapat sambutan menggalakkan daripada masyarakat meskipun terdapat halangan daripada pihak keluarga pada mulanya.



“Mungkin mereka (keluarga) terpengaruh dengan aspek-aspek yang negatif lah dari PLKN yang dilaksanakan sebelum ini, tetapi apa yang saya lihat apabila mereka lihat sendiri bagaimana kita melaksanakan PLKN yang diubahsuai ini, responnya amat mengalakkan mereka ni (pelatih) datang dilayan seperti VIP,” katanya ketika ditemui Buletin TV3.



Tan Sri Abdul Aziz Zainal.

Selain itu, pendekatan baharu bagi PLKN 3.0 siri 2 kali ini adalah mengutamakan keselesaan buat pelatih dan mempermudah proses latihan.

Antaranya, pengasingan pelatih mengikut jantina telah dilaksanakan bermula PLKN 3.0 siri 2 berbeza dengan siri sebelum ini dimana pelatih lelaki dan wanita masih ditempatkan di satu kem.



Pengerusi Majlis Latihan Khidmat Negara (MLKN), Tan Sri Abdul Aziz Zainal (kanan) dan Ketua Pengarah Jabatan Khidmat Negara, Datuk Ya'cob Samiran ketika lawatan ke Kem Rejimen 515 Askar Wataniah semalam.

Justeru, dengan pengasingan itu, pelatih berasa lebih yakin untuk melakukan latihan harian disamping ia membantu mengurangkan potensi pergaulan bebas yang boleh mengganggu disiplin dan fokus latihan serta memberikan ruang yang lebih selamat dan sesuai bagi peserta untuk membangun jati diri mereka.

Pelatih wanita, Jannelle Ho Yun Xian, 18, yang teruja menyertai program ini berkata wanita juga boleh melakukan aktiviti lasak sama seperti lelaki.



Jannelle Ho Yun Xian.

“Perempuan pun mempunyai jati diri yang kuat sebagai contoh perempuan pun boleh buat kerja keras seperti kawad kaki,” kongsi pelatih wanita berbangsa cina yang berasal dari Perak itu.

Seorang lagi pelatih wanita, Nurul Allesya Balqis Muhammad Zulkarnain,18, berkata perubahan yang dirasai sepanjang program ini ialah dia dan pelatih belajar untuk lebih berdisiplin, lebih menepati masa dan perubahan paling ketara ialah mereka belajar lebih berdikari.



Nurul Allesya Balqis Muhammad Zulkarnain.

Sementara itu, Ketua Pengarah Jabatan Khidmat Negara, Datuk Ya'cob Samiran berkata latihan asas ketenteraan sebanyak 70 peratus diutamakan bagi memastikan pelaksanaan program lebih berkesan dan meninggalkan kesan positif.



Datuk Ya'cob Samiran.

"Kita hanya melatih berdasarkan kepada asas sahaja untuk pertama patriotisme, disiplin, tepat masa, dia boleh terkoordinasi dan dia juga boleh mandiri" katanya.

PLKN 3.0 siri 2 bakal berakhir pada 24 Jun ini dengan penyertaan sebanyak 188 bagi pelatih wanita di Kem Rejimen 515 Askar Wataniah, Kuala Lumpur dan 257 pelatih lelaki di Kem Rejimen 505 Askar Wataniah, Pekan, Pahang.

Ikuti sekarang! [WhatsApp Channel](#) rasmi Buletin TV3 untuk berita terkini setiap masa.

BERITA BERKAITAN



NASIONAL

Tragedi pelajar UPSI: Polis sudah rakam 15 keterangan saksi kejadian



NASIONAL

10 substrategi NACS 2024-2028 berjaya diselesaikan – SPRM